



MOD.100-2/1/2 Jld 7 () 02/07

**KEMENTERIAN PERTAHANAN SANTUNI VETERAN ATM DAERAH DURIAN TUNGGAL,
MELAKA DAN DAERAH JELEBU, NEGERI SEMBILAN**

1. **MELAKA, 12 Julai 2025** – Timbalan Menteri Pertahanan, YB Adly Zahari telah mengadakan lawatan kebajikan bagi menyantuni veteran ATM menerusi Program Peduli Veteran Madani (PVM) peringkat Daerah Durian Tunggal, Melaka pada 12 Julai 2025 dan Daerah Jelebu, Negeri Sembilan pada 13 Julai 2025.
2. Dalam rangka kedua-dua lawatan ini, YB Timbalan MENHAN telah **menyantuni seramai 14 Veteran ATM dan keluarga di Daerah Durian Tunggal**, serta dalam perancangan meneruskan lawatan bagi **menyantuni 12 veteran ATM dan keluarga di Daerah Jelebu, Negeri Sembilan**, menjadikan **jumlah keseluruhan keluarga veteran yang disantuni seramai 26 veteran termasuk balu dan usahawan**.
3. Selain itu, YB Timbalan MENHAN juga turut menganugerahkan Pingat Jasa Malaysia (PJM), menyampaikan bantuan baik pulih rumah, bantuan kesihatan dan peralatan pesakit, bantuan pendidikan, bantuan sara hidup, bakul rahmah dan bantuan perniagaan kepada usahawan veteran ATM.
4. Program ini adalah salah satu usaha untuk mendekati golongan veteran ATM secara bersemuka sekali gus mengenal pasti keperluan sebenar mereka dalam memastikan kesejahteraan Warga Kerja Pertahanan. Penekanan ini adalah bertujuan menyokong **Pelan Strategik MINDEF 2021-2025: Teras 7 – Transformasi Kesejahteraan Veteran ATM** yang diperkemaskan lagi melalui inisiatif-inisiatif di dalam **Amanat Perutusan Tahun Baharu 2025 Menteri Pertahanan: Fokus 4 – Memperkukuh Ekosistem Kesejahteraan Warga Pertahanan**.
5. Turut hadir semasa lawatan adalah Timbalan Ketua Pengarah JHEV ATM; Encik Sophian Isswandy bin Ismail, Pengarah JHEV ATM Cawangan Negeri Melaka dan Negeri Sembilan; Mejar Muhammad Zarifi bin Haji Tumin, Pengurus Besar D'Vet Holding Sdn. Bhd; Leftenan Muhammad Faris bin Pakri (Bersara) mewakili Yayasan Veteran ATM dan persatuan-persatuan veteran ATM Negeri Melaka dan Negeri Sembilan.

-TAMAT-

“MALAYSIA MADANI”

“BERKHIDMAT UNTUK NEGARA”

“PERTAHANAN NEGARA, TANGGUNGJAWAB BERSAMA”